



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Briet, Philippe

Parisiis, 1649

Nvm. 5. Origo.

urn:nbn:de:hbz:466:1-13167

prædictos montes quos Peneus interluit, quorum descriptionem habes apud *Ælian.* 3. *Vari. cap. 1.* Item multa ex diuersis auctori- bus collecta apud *Ortelium ad calcem Parergi.* Exinde factum ut loca per amœna omnia dicerentur *Tempe.*

Abundabat *equis hæc regio*, unde & Thessali optimi equites habebantur: ideoque summopere affectata à Philippo Macedone Thessalia, ut ope equitum Thessalorum maiora moliretur.

Habuit etiam & *Auraria Metalla*, ut loquitur *Iustinus lib. 8.* quæ Philippus occupauit, iisque usus est ut conflaret *Philippeos*, qui- bus Græcos labefactauit.

N V M. 5. *Origo.*

PELAGI origine Arcades nomen habent, vel à Pelasgo Rege, vel ita dicti sunt quasi *Pelargi*, hoc est *Ciconiæ*, quia turmatim per urbes Græcas, atque Barbaricas quondam errauere. Et primùm quidem habitauere Achaicum Argos propemodùm sex ætates: deinde in *Æmoniam* Ducibus Phthio atque Pelasgo transferunt. Hic cùm vixissent 6. quoque ætates, eiekti sunt à Curetibus, & Lelegibus, qui *Ætolii*, & *Locri* dicti sunt, pulsique secesserunt par- tim in Insulam Cretam, Cycladas, Lemnum, Imbrum, Hestioti- dem, Bœtiā, Phocidem, Eubœam, Helleponum, Asiam, ubi incoluere Mœoniam, partim ad Dodonæos consanguineos suos: quibus cùm se graues viderent in Italiā transmisere, ubi & se Abo- riginibus coniunxere. Achæi demum Thessalo Thesprotio du- ce in Pelasgorum regionem commigrarunt, eamque cùm de Du- cis nomine dixissent perpetuam elegere sedem.

N V M. 6. *Mores.*

QVAM fuerint Thessali splendidi, atque diuites, inde potissi- mùm intelliges, quòd eorum deliciis maximè euocatos Persas tradat *Athenaeus.*

Primi omnium mortalium signasse monetam auream, & argen- team perhibentur. *Plinius.*

Magia quanto hic in usu fuerit leges apud *Plinii*, lib. 3. cap. 1. unde artes Thessale, & Thessalice matres pro Magiâ, & Magis usur- patæ sunt. Harum Magarum hoc erat proprium, ut suis incanta- tionibus de cælo Lunam detraherent.

Ufos fuisse Thessalos longiori stolâ, quæ postmodum à Tragœ-